



Publicaziuns dalla vischnaunca, jamna 19

Damonda da baghegiar **Nr. 2013-1025.000**

Datum da publicaziun: ils 10 da matg 2013

Il patrun: Vischnaunca Disentis/Mustér, Via Cons 2, 7180 Disentis/Mustér

Il representant: Uffeci da baghegiar, Via Cons 2, 7180 Disentis/Mustér

Object: Sanaziun dalla senda existenta, parcella 2541, Val Segnas, 7186 Segnas

Ils plans da construcziun ein deponi tier l'administraziun communal.

L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sutta-scretta dil recurrent ni da siu representant.

Disentis/Mustér, ils 6-5-2013

Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandonta lubientscha da baghegiar:

2013-1017.000

Thomas Pfister e Kim Susan Willigers, Via Clis 8, 7180 Disentis/Mustér; sanaziun termica ed engondaziun dalla casa enteifer il volumen existent, parcella 1444, Via Clis 8, 7180 Disentis/Mustér.

Disentis/Mustér, ils 6-5-2013

Uffeci da baghegiar Disentis/Mustér

Annunzia da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziou suandont project:

Nr. 2013-2034

Florian Lutz ed Antonia Deragisch, Via Veier 8, 7180 Disentis/Mustér; sanaziun dalla garascha, parcella 984, Via Veier 8, 7180 Disentis/Mustér.

Encunter quella decisiun san ins protestar a scret enteifer 20 dis dapi la publicaziun alla suprastanza communal.

Disentis/Mustér, ils 6-5-2013

Uffeci da baghegiar Disentis/Mustér



Sanaziun dalla via da rimnada Via Sogn Gions Introducziun dalla procedura da contribuziun (perimeter)

Dacuort ha la suprastonza communal surdau l'incarica da projectar la sanaziun dalla Via Sogn Gions. Il project preveda la sanaziun dall'entira via naven dalla sbuccada en la Via Lucmagn entochen tier la Via Sontga Gada. Il medem mument eis ei previu da remplazzar la reit per la dismessa dall'aua. Plinavon vegn la Corporaziun d'aua Spina da vin a remplazzar certas parts dil conduct d'aua. Ils ulteriurs proprietaris da lingias da provediment vegnan medemamein envidai da surluvrar lur lingias e da far las adattaziuns necessarias. En connex cun la sanaziun dalla Via Sogn Gions eis ei evtl. era pusseivel d'adattar la situaziun per entradas e sortidas privatas existentas. Nus supplichein perquei da comunicar ad uras giavischs da quei gener, per che quels sappien vegnir risguardai el project dalla via.

La finanziaziun da quellas parts privatas succeda secapescha entras il proprietari da terren pertuccau. La procedura da contribuziun sedrezza tenor las prescripziuns dils art. 58–64 dalla lescha davart la planisaziun dil territori (LPT) e dils art. 22–27 dall'ordinaziun davart la planisaziun dil territori dil cantun Grischun (OPT). Egl emprem pass communichescha la suprastonza communal l'intenziun d'introducir la procedura da contribuziun per la sanaziun dalla Via Sogn Gions. El medem mument fixescha ella l'interessenza publica resp. privata, la part digl implont suttamess alla procedura da contribuziun sco era la cunfinaziun previda pil territori da contribuziun (perimeter).

Alla procedura da contribuziun ein suttamess:

- Ils cuosts per la sanaziun totala dalla via naven dalla sbuccada Via Lucmagn entochen alla sbuccada Via Sontga Gada.
- La suprastonza communal ha el senn dallas prescripziuns d'art. 63 dalla lescha davart la planisaziun dil territori dil cantun Grischun fixau l'interessenza publica a 30% e la privata a 70%.
- Il territori da contribuziun secuviera cul cunfin dalla zona da baghegiar a Sogn Gions e Catins, num nadamein:
 - La zona dil vitg
 - La zona da habitar mischedada
 - La zona per baghetgs e stabiliments publics

Il territori suttamess alla procedura da contribuziun sorta dil plan da situaziun exponiu. Il plan da situaziun cul territori suttamess alla procedura da contribuziun ed il conclus dalla suprastonza communal davart la fixaziun dall'interessenza publica resp. privata ein publicai naven dils **13 da matg 2013** en casa communal (stanza nr. 10). Encunter l'intenziun d'introducir la procedura da contribuziun, la fixaziun dall'interessenza publica resp. privata e la cunfinaziun dil territori da contribuziun sa, el senn dallas prescripziuns d'art. 23 OPT, vegnir protestau **enteifer 30 dis** dapi la publicaziun ufficiala alla suprastonza communal, caum postal 57, 7180 Disentis/Mustér. La protesta sto vegnir inoltrada a scret ed ei da motivar.

Per ulteriur sclariment stat il menader digl uffeci da baghegiar (081 920 36 46 ni e-mail baghegiar@disentis.ch) suenter preannunzia bugen a Vossa disposiziun.

Suprastonza communal

Cussegl da vischnaunca

Ils cussegls da vischnaunca da Tujetsch e Mustér seradunan **gievgia, ils 16 da matg 2013 allas 20.15 en halla Cons a Mustér** ad ina seduta d'informaziun davart il scolaesser Sursassiala.

Tractandas:

1. Beinvegni ed avertura
2. Presentaziun variantas scolaesser Sursassiala
3. Discussiun fuorma da consorzi da scola
4. Discussiun variantas da collaboraziun
5. Proxim proceder

*Suprastonzas communalas
Tujetsch e Disentis/Mustér*



Seras d'informaziun publicas

Las seras d'informaziun per la populaziun per presentar il futur dil scolaesser Sursassiala han liug sco suonda:

- **Mesjamna, ils 22 da matg 2013 allas 20.15 en halla Cons a Mustér**
- **Gievgia, ils 23 da matg 2013 allas 20.00 ell'aula dalla scoletta a Curaglia**
- **Venderdis, ils 24 da matg 2013 allas 20.00 en halla dalla casa scola a Sedrun**

Suenter la presentaziun dallas variantas per ina futura collaboraziun vegn menau ina discussiun publica.

Cordial invit a tuttas personas interessadas.

Suprastonzas communalas Tujetsch, Medel e Disentis/Mustér

Via Cavorgia

Muort lavurs da construcziun vid la via d'uau da Cavorgia (remplazzament dalla punt dil Rein a Cavorgia) vegn la via serrada **naven dils 29 d'avrel tochen ils 31 da matg 2013** per tut traffic, pia era per pedunzs. Quei naven dalla cruschada a Valzeinza entochen tiels mises ellas Cavorgias. In sviament pil traffic ei pussevvels sur Sedrun–Cavorgia.

Nus supplichein da prender enconuschientscha da quest avis per buca impedir las lavurs da construcziun.

Bien engraziament per la capientscha.

Uffeci forestal Disentis/Mustér

Controlla da habitonts Naschientscha

Jenna Melina Dermon, naschida ils 27 d'avrel 2013, feglia da Toni e Marisa Dermon-Möckli.

Corporaziun manteniment da vias Mompé Medel Invit alla radunonza generala

Venderdis, ils 10 da matg 2013 allas 20.15 el local dall'Uniun da scursalar Mompé Medel.

Tractandas:

1. Elecziun d'in dumbravuschs
2. Protocol
3. Rapport dil president
4. Rendaquen per 2012
5. Rapport dils revisurs ed approbaziun dil quen
6. Varia

Cordialmein envida
la suprastonza



Nossadunna da Fàtima

Samstag, 11. Mai 2013, um 11.00 Uhr Gottesdienst und Prozession (in portugiesischer Sprache) in der Kirche Sogn Gions, Disentis/Mustér.

Anschliessend hat es eine Festwirtschaft in der Halle Cons, Disentis/Mustér.

Biblioteca populara Mustér *Kamishibai cun Mats, la miur*

Eis ti denter 3 e 7 onns? Has ti gust da vegnir cun tia mumma ni cun in'otra persuna d'accumpignament en biblioteca e tedlar praulas ni historias? Mats, la miur e nus dalla biblioteca raquintein a ti ina praula ord in cudisch da nossa valischa da surpresas en fuorma da Kamishibai e quei **mintga gada il secund venderdis dil meins dallas 14.30 tochen ca. las 15.30.**

Nus selegrein zun fetg sin tei ... Tgisà, forsa anflein nus mintgatun aunc enzatgei auter che mo cudischs en nossa valischa da surpresas!

Cun ils pli cars salids e sin seveser tochen gleiti.
Mats, la miur ed il team dalla biblioteca populara Mustér

Termins: 10 da matg ed ils 14 da zercladur 2013

Uniun fallun e cascharia Disla/Mustér

Sonda, ils 11 da matg 2013 ha liug a Disla/Mustér «*Il di svizzer dils mulins*».

Nus mussein bugen a Vus nossa cascharia, nossa resgia, il fallun, il niev restaurau mulin da graun vegn mess quei di en funcziun ed era il taler. *Plinavon mussein a Vus la nova roda d'aua per la resgia.*

Ins sa era gentar tier nus.

A tuts in cordial beinvegni
la suprastonza

Uniun da dunnas Mustér Preavis – Fiera da Nadal a Mustér

Dumengia, ils 24-11-2013 dallas 11.00–19.00 sin la piazza da scola.

Per annunzias ni damondas saveis contactar Fabiana Candinas, tel. 081 947 42 88 ni 079 373 61 58, e-mail: fcandinas@gmx.ch.



**Exercezi regional dallas uniuns samaritanas
Medel, Mustér e Tujetsch a Rueras**

Mesjamna, ils 15 da matg 2013

Rimnada: allas 18.40 avon halla Cons

Equipament: resti cauld e buns calzers
Igl exercezi ha liug da tutt'aura.

Suenter igl exercezi vegn purschiu a tuts participonts in pign puschegn el hotel «La Cruna» a Sedrun.

Sperond ad ina stedia participaziun salida cordialmein
la presidenta

**Uniun samaritana Mustér
Cuors agid d'urgenza Refresher**

L'Uniun samaritana Mustér organisescha quei cuors per tut ils interessents che han inaga frequentau il cuors agid d'urgenza (Nothilfekurs) e vulan refrestgentar las enconuschientschas fundamentalas da quel.

Datum: *Venderdis, ils 24 da matg 2013* dallas 19.00–22.00

Liug: Casa da scola, Mustér

Annunzias: Ein da far entochen ils *14 da matg 2013* tier Yvonne Flepp, tel. 081 947 50 35
e-mail: yvonne.flepp@kns.ch

**Ludoteca Disentis/Mustér
15avla radunonza generala**

Gievgia, ils 30 da matg 2013 allas 18.30 en ludoteca.

Beinvegni.

Tractandas:

1. Elecziun d'in/a dumbravuschs
 2. Protocoll dalla 14avla RG dils 15-6-2012
 3. Rapport dalla presidenta
 4. a) Rapport dalla cassiera
b) Rapport dallas revisuras
 5. Elecziuns:
a) dalla cassiera
b) dall'actura
 6. Indemnisaziun dalla suprstonza
 7. Program da lavur
Vendita memo
Novas gruppas da lavur (incumbensas)
 8. Varia
-

Uniun da dunnas Medel

Cuors mira sut Medel.

Beach sport Plaun Petschen, Cumpadials

Informaziuns ballareit sil sablun mira sut Sumvitg.



Biblioteca populara Disentis/Mustér e contuorn
Promozion dil lungatg naven dall'entschatta

Sera d'informaziun per geniturs cun pops ed affons pigns
Mira sut Surselva, rubrica dallas bibliotecas.

Sprachförderung von Anfang an
Informationsabend für Eltern von Babys und Kleinkindern
Siehe unter Surselva, Rubrik Bibliotheken.